

**Oqaluuserisassat pillugit nassuaat.**

(Inatsisartut Siulittaasuat)

Inuussutissarsiornermut Ataatsimiititaliaq imm. 139-ip:

Uunga siunnersuut: Erngup nukingata innaallagissiornermut atorneqartarnera pillugu

Inatsisartut inatsisaat nr. x, x. [qaammat] 2014-imeersoq.

aappassaaneerneqarnissaata pingajussaaneerneqarnissaatalu kinguartinneqarnissaanik  
qinnuteqarpoq.

Immikkoortoq pineqartoq ulloq 10. april aappassaaneerneqarlunilu ulloq 24. april  
pingajussaaneerneqartussaagaluarpoq.

Oqaluuserinniffissat nutaat kingusinnerusukkut nalunaarutigineqarumaarput.

Ulloq 3. april oqaluuserisassat pillugit nassuaammi imm. 137 eqqarsaatigalugu siunnersuutip  
oqaluuserineqarfissai nutaat assigiinngitsut nassuaatip kalaallisuuani qallunaatuuanilu  
oqaatigineqarput.

Siunnersuutip quleqtaraa:

Meeqqanut inuusuttunullu ikorsiisarneq pillugu Inatsisartut inatsisaannut nr. xx, xx 2014-  
meersumut siunnersuut.

Nutaamik suliarineqarfissai eqqortut tassaapput:

Aappassaaneerinninneq: 20. maj

Pingajussaaneerinninneq: 5. juni

Siulittaasoqarfiup taamatut qinnuteqartoqarnera tunngavigalugu aalajangerpoq  
inassutiginiarlugu immikkoortut 20 aamma 21 ullumi ataatsimiinnermi immikkoortutut  
siullertut oqaluuserineqassasut.

Tassani pineqarput

Imm. 20: Naalakkersuisut suliffissaaleqinerup ataavartumik akiorneqarnissaanik

siunertaqartumik ataatsimoorussamik pilersaarummik piaartumik suliarinninnissamik peqquneqarnissaannik Inatsisartut aalajangiifigisassaattut siunnersuut. Pilersaarummi Sanaartugassanut Iluarsagassanullu Aningaasaateqarfimmi aningaasat uninngaannartut inuiaqatigiit akornanni sulisinneqalernissaannik, nunaqarfinni aalisakkerivinnik sullissinissamut isumaqatigiissutinut aningaasaliissutit amerlineqarnissaannik kiisalu illersorneqarsinnaasumik aalisagartassat amerlineqarnissaannik imaqassaaq. Pilersaarut Inatsisartut ataatsimiinneranni maanna ingerlasumi saqqummiunneqassaaq.

(Siumup Atassutillu Inatsisartunut ilaasortaatitai)

aamma

Imm. 21: Nunatsinni annertuumik suliffissaaleqinerup piaartumik ataavartumillu annikillisinneqarnissaa siunertaralugu Naalakkersuisut ataatsimoortumik periusissamik Inatsisartunut saqqummiussaqarnissaannik Inatsisartut aalajangiifigisassaattut siunnersuut.

(Inuit Ataqatigiit, Partii Inuit aamma Partii Naleraq Inatsisartunut ilaasortaatitai)

**Ilaasortat uku akornanni taasisarnerit pillugit isumaqatigiissuteqartoqarpoq:**

Saxtorph Didriksen, Siumut aamma Andreas Uldum, Demokraatit

Juliane Henningsen, Inuit Ataqatigiit aamma Per Berthelsen, Siumut kiisalu

Agathe Fontain, Inuit Ataqatigiit aamma Anders Olsen, Siumut